

Bien Cozvwnz Geizheih Ndeu

一篇奇怪的作文



Ngoenz he, gou youq gwnz dennauj yawjraen bien cozvwnz gig geizheih ndeu.

Baenzlawz geizheih ne? Gou couh caeuq sou gangjgangj ba! Youq ndaw sujgyaj, lauxsae naeuz yaek hawj dou moix vunz sij cib bien ngoenzgeiq, lij iugouz moix bien mbouj noix gvaq 300 cih. Gou roxnyinh daiq dwgrengz lo, cib bien ha, moix bien lij mbouj noix gvaq 300 cih, caen aeu mingh bw! Yienghneix gou couh bae caz dennauj.

Youq gwnz dennauj, ngamq diemjhai Bwzdu, diuz daezmoeg gig yinx vunz he youq baihnaj gou bi bae bi dauq, yi! "Cozvwnz geizheih", gijmaz cozvwnz

baenzneix geizheih ne? Gou gig geizheih diemjhai de.

Gou yawjraen bien cozvwnz mbouj daengz 60 cih saw he. Daezmoeg couh dwg 《Cozvwnz Geizheih》. Ngoenzgeiq bouxsij dwg 2 nyied 30 hauh, dienheiq gvengq. Neiyungz daihgaiq dwg: Ngoenzneix dwg ngoenz mbouj miz ndit he, gou gig siengsim, aenvih daxboh cawx hawj gou song duz byagim, ciengx youq ndaw gangbya dumh dai duz ndeu lo……

"Bien cozvwnz neix mbouj geizheih ha." Seizneix gou youh siengj daengz Bwzdu dwg mbouj yaeuh vunz, gou baenzlawz siengj cungj siengj mbouj doeng, cijndei bae heuh daxboh bang gou geij gij geizheih neix. "Daxboh, gwnz Bwzdu miz bien cozvwnz geizheih he, hoeng gou ra mbouj raen gij geizheih de youq gizlawz, mwngz vaiq daeuj bang gou yawjyawj, gou gig siengsim." Daxboh ngeizngwd

dwk naeuz: "Dwg gijmaz cozvwnz hawj daeglwg gou baenzneix doeknaiq ha? Daeuj, daxboh bang mwngz yawjyawj!"

Daxboh yawj sat cozvwnz, riu lo, gou gamjdaengz daxboh lumjbaenz rox gijmaz lo, couh cam: "Daxboh, mwngz vaiq naeuz gou nyi!" Gou gip raixcaix, daxboh vah naek cingz laeg naeuz: "Bien cozvwnz neix caen dwg geizheih ha, 2 nyied baenzlawz miz 30 ngoenz ne? 2 nyied cei q lai miz 29 ngoenz, caiq gangj ngoenzhaenx mbouj miz ndit baenzlawz dwg ngoenz-gvengq ne? Lij miz, bya bonjlaiz couh gwnyouq youq ndaw raemx, baenzlawz deng raemx dumh dai ne?" Daxboh gangj sat, gou hix hahha riu hwnjdaej lo.

Dwg ha, baezneix caz Bwzdu hawj gou roxdaengz le sij cozvwnz mbouj ndaej luenh bien, itdingh aeu hab saedsaeh, mboujnex couh hawj vunz riu lo! (seiq nienzgaep Lij Vwnzgez)



Saeh Mizyinx Seiziq

童年趣事

Seiziq, dwg sawj vunz nanzlumz. Moix baez dauqngex hwnj seiziq, gou couh vih gou guh gvaq gij saehhuk haenx riuha, hag duzgoep couh dwg ndawde gienh saeh he.

Mwhde gou cij haj bi. Miz ngoenz he banringz, gwn ngaiz le, gou youq ndaw hongh guhcaemz. Sawqmwh, miz yiengh doxgaiq heuyauyau he daj baihnaj gou yat gvaq. Gou sijsaeq yawj, laxlawz dwg duz goep he. Yawjraen duzgoep maeuq youq gizhaenx, gou hix dawz song fwngz cuengq youq gwnz dieg maeuq roengzdaej; yawjraen aen'gyaeu duzgoep ngiengx coh gwnz, gou hix ngiengx gyauej coh gwnz; yawjraen aennaj duzgoep baez bongq baez bongq, gou hix hawj aennaj gou baez bongq baez bongq; duzgoep gobgob hemq geij sing, gou hix gobgob hemq hwnjdaej. Fanjcingq, duzgoep baenzlawz guh gou couh baenzlawz guh. Seizhaenx, daxboh cingqngamj yawjraen gou, couh nyaenx mbouj ndaej riuha. Hoeng gou lij hozoiq ndeiri dwk cam: "Daxboh, nanzdauh gou hag ndaej mbouj lumj ha?" Yawj gij yiengh gou gig nyinhcaen, daxboh riu naeuz: "Lwg huk ha, mwngz hag ndaej lumj raixcaix, saedcaih dwg duz goep hung he!" Dingq daxboh yienghneix gangj, gou youh daekeiq hag gij yiengh duzgoep hemq le geij sing. Aiq dwg sing gou daiq hung lo, hwk dwk duzgoep yat deuz lo. Daxboh gangjriu naeuz: "Mwngz yawj, duzgoep iq yawjraen mwngz duzgoep hung neix, cungj mbouj gamj okdaej lo." Dingq gij vah daxboh, gou angq dwk riuha lo.

Seiziq caen mizyinx, seizneix dauq-ngeix hwnj gienh saeh neix, gou lij dwg nyaenx mbouj youq gag riu.

(seiq nienzgaep Giuz Sanghyingz)

Seizgan Doxiek Yaek Gangj Cingcuj

相约时间要说清

Siujfangh caeuq Siujmingz doxiek ngoenzsinghiz bae yawj denyingj, songde gangj ndei 8 diemj cung doxraen. Siujmingz caeuxcaux couh hwnqdaej, caengz daengz 8 diemj couh daeujdaengz denyingjyen lo. De caj ha caj ha, itcig mbouj raen Siujfangh daej. Buenq diemj cung gvaqbae lo, Siujmingz dwk dienhvah hawj Siujfangh, hoeng dwk mbouj doeng. Siujmingz caj baenz buenqngoenz youh mbouj gamj byaij bae, lauhei Siuj-gangh daej le ra mbouj raen de.

Daengz banngaiz 12 diemj, Siujfangh dwk dienhvah daej cam Siujmingz: "Mwngz ra gou

miz gijmaz saeh? Haxbaenh gou hwnj goqyinhoyz." Siujmingz vei dwk naeuz: "Raeuz mbouj dwg iek ndei 8 diemj cung yawj denyingj ha? Gou daj 8 diemj itcig caj daengz seizneix ne! Siujfangh yawjyawj soujbyauj, gig geizheih naeuz: "Seizneix liz 8 diemj cung lij caeux ne."

Laxlawz, Siujfangh naeuz 8 diemj cung haenx dwg banhaemh 8 diemj cung. Banhaemh 8 diemj ndaej yungh 20 diemj cungj 24 diemj fapgeiqseiz haenx daej biuji, hix couh dwg aeu banngoenz 8 diemj gyahwnj 12, cienqvuenh baenz 20 diemj.

Danghnaeuz mwngz caeuq



baengzyoux mwngz iek seizgan dwg 15 diemj, mwngz baenzlawz caeuq baengzyoux (mwngz gangj ne? (Vei Siujdingz)

Mehnax ciepdwk naeuz: "Yienghneix, loek le baenzlawz guh?"

"Miz seiz, dahniq dwg ngoenz daihngaih cij fatyienh gij loek ngoenz gaxgonq geiq haenx, de ganjvaiq ra ok yienzlaiz de geiq haenx daej doiq, danghnaeuz caen dwg loek lo, de couh youq bonj bouh geiq haenx biumingz, caemhcai q yiengq baihgwnz gisieng-can veibau. De lij swheij hawj swheij sij faenh genjdauj he, daej daezsing swheij, baezlaeng geiq soqgeiq gisieng engq sijsaeq, engq nyinhcaen."

Mehnax bang Daegcoengh bouj naeuz: "Neix dwg cingzgvang sij loek. Lijmiz ciuq bingzseiz caekbauq dwg cingqdeng, hoeng dienheiq fwt bienq-vaq, cauxbaenz saedsaed caihcaih

sij cozvwnz cingzgingi

Yawj Doz Sij Cozvwnz

看图写作文

mbouj dwg yienghneix, gizneix lij yaek caiq cunggez, caiq hagsib."

Daegcoengh sawqmwh siengj hwnj aen vwndiz he: "Yungh mbouj yungh gyaudaih gij yienzaen yinxhwnj gij saehcingz neix, hix couh dwg dahniq vih gijmaz dang sij gisiengyenz."

"Dangyienz sij. Aiq dwg hag-dangz laebbaenz gisieng sijcuj, aenvih de gyaenz gisieng caekbauq; hix

aiq dwg gisiengcan bonjdieg vihliux doigvangq gisieng cihsiz, youq hanz sujgyaj ciusou gisieng culijyenz, de cawjdoengh bauqmingz, dang hwnj le gisieng culijyenz."

"Dahniq neix cei q ndei an aen coh ndei dingq he hawj de. Mehnax, gijmaz va mbouj lau nit?"

"Vameiz (vamoiz)."

"Yienghneix couh heuh de guh Siujmeiz ba."



"'Meiz' dwg singq roxnauz dwg mingz ne?"

"Singz mingz cungj ndaej."

Daegcoengh gangj le, dawz ok cei q caeuq bit, hainduj sij lo. (sat)